



Inatsisartuni ilaasortaq, Naja Nathanielsen
Inatsisartut Allattoqarfiat
/Maani

Illuut aamma INI pillugit § 37 nr 49-mut akissut

1. Naalakkersuisut isumaat malillugu inissiaatileqatigiiffiit marluk pisortat inissiaataannik aqutsisuunerat sukut iluaqutissartaqarpa?

Akissut:

Apeqqut kukkusumik tunngassuteqarpoq, ingerlatseqatigiiffiit assigiinngitsunik ingerlatsiveqarmata. Assersuutigalugu Illut A/S-ip malittarisassaani allassimavoq, ingerlatseqatigiiffiup nammineq illuutigisani aqutarissanngikkai. Taavalu Illuut A/S-ip inissiaatai attartortittakkat A/S Inissiaatileqatigiiffik INI aqutsissussinermut akilerlugu aqutaralugit. Tamatuma saniatigut Illuut A/S-ip illuutigisaani piginnittut peqatigiiffiit Agerskov Consultip aqutaralugit.

2. Illuut A/S initaartitsissagaangat tunniussinermi tunngaviit qanoq ittuusut malineqartarpat? Tunngavinnik tamakkuningga arlaanni unioqqutitsisoqarnikuua? Unioqqutitsisoqarsimassappat, taava sunik qassinillu taamatut pisoqarsimava?

Akissut:

Illuut A/S-ip inissiaatai sulisunut inissiamik innersuunneqarsinnaatitaasunut aammalu Namminersorlutik Oqartussat inissaqartitassaannut sulisunut inissiatut innersuunneqartarput. Sulisut tamakku tassaapput Namminersorlutik Oqartussat namminneerlutik sulisui aamma Naalagaaffiup sullissisarfiini sulisut. Tamakku saniatigut Illuut A/S attartortunut nalinginnaasunut utaqquisut allattorsimaffianni allassimasunut inissianik innersuussisarpoq. Inissiat ikittuinnaat inissiat periuseq alla malillugu innersuunneqartarsimapput. Pisuni taakkunani pineqarput inissiat isumaginninnermi innersuunneqartut, kissaatigalugu nutsertut, inissianik paarlaateqatigiittut aammalu atorfimmud atattillugu inissiat nalinginnaasumik inissiatut tiguneqartarput.

3. Pisortat inissiaatileqatigiiffiutaannik marlunnik siunissaq ungasissoq eqqarsaatigalugu peqarnissaq aamma pilersaarutaava? Matumani pineqarput INI A/S aamma Illuut A/S, imaluunniit ingerlatseqatigiiffiit taakkua marluk ataasiulersitaanissaat iluaqutissartaqassasoq Naalakkersuisut isumaqarpat?

Akissut:

06-03-2014
Suliap nr. 2014-096842
All. nr. 1503760

Postboks 1015
3900 Nuuk
Oqarasuaat (+299) 34 50 00
Allakkasuaat (+299) 32 50 02
E-mail: govsec@nanoq.gl
www.naalakkersuisut.gl

Aallarniutigalugu pineqartut tassaapput inissianik aqutsissussinermik ingerlatseqatigiiffik (A/S INI) taavalu inissiaatileqatigiiffik (Illuut A/S). Tassunga atatillugu allaffissornerinnakkut ineqarnermut tunngasut naapertuunnerpaamik aaqqissugaanissaannik arlalinnik misissuisoqarpoq. Illuut A/S-ip inissiaataasa Pilersaarutaasumik Piffissamullu Aserfallatsaaliineq aqutugalugu pitsaassusiisa naleqassusiisalu attatiinnarnissaat unamminartut ilagimmasuk. Namminersorlutik Oqartussat inissiaataasa ingitserinikkut, nutarterinikkut taarsiutissanillu sanaartornikkut illoqarfinnik nutarterinissaq pisariaqarluinnartoq qulakkiissallugu aamma unamminartuuvoq. Tamakkununga tunngasut 1:1-mik misileraanikkut Illuut A/S-imit naammassineqarput. Tamakku oqaatigereerlugit A/S INI-p aamma Illuut A/S-ip akornanni pissutsit maannakkut atuuttut allanngortissallugit maannakkumut aalajangiisoqanngilaq.

**4. Ilumoornerarneqarsinnaava aningaasaleeqatigiilluni
ingerlatseqatigiiffittuinnaq aallaqqaataanit pisumik siunertatoqqani qimallugu
Illuut A/S ingerlalersimasoq?**

Akissut:

Aap. Illuut A/S-imi pingaarnertut siunertaavoq inissiat pigisassat sanaartussallugit tuniniassallugillu kiisalu minnerusumik inissianik nalinginnaasunik attartortitsinissaq. Sulisunut inissiat annertuumik pisariaqartinneqarmata aalajangerneqarpoq, inissiat Illuut A/S-ip sulisunut inissiatut sanatitai ilanngutissallugit.

**5. Ineqarnermut suliassaqarfiup tungaatigut ilaatigut aningaasaqarnermut
ataatsimiititaliamit ukiorpanngortuni ujartrorneqarsimasumik 2014-imi
upernaakkut ataatsimiinnermi inatsisiliorneq nutaaq pillugu
saqqummiisoqassasoq Inatsisartut naatsorsuutigisinnaavaat?**

Akissut:

Naamik 2014 atorineqassaaq ineqarnermut, akileraartarnermut aammalu isumaginninnermut tunngasunik misissuiffiusussatut. Misissuinerne taakkunani angusat aamma Naalakkersuisut naalakkersuinikkut anguniagaat tunngavigalugit, ukiup 2015-ip ingerlanerani inatsisissanik nutaanik siunnersuutit saqqummiunneqarnissaat naatsorsuutigineqarpoq.

Inussiarnersumik inuulluaqqusillunga

Med venlig hilsen



Aleqa Hammond